

天府廣記

天府廣紀卷之三十五

巖麓

京師之西皆山也舊記太行山首始河內北至幽州第八陘在燕強形鉅勢爭奇擁翠雲從星拱於皇都之右

玉泉山在京西二十餘里山頂懸崖舊刻玉泉二字水自石罅中出鳴如雜佩金章宗行宮芙蓉殿之故址也半嶺有呂公嵩廣盈丈許深倍之相傳呂仙宴坐處

甕山在玉泉山之傍西湖當其前金山拱其後山有寺曰圓靜寺山之陽有耶律楚材墓

鄙人王嘉謨石甕記燕之西山有甕山焉純盧土中多杏枿  
榆柳之屬余嘗遊其間其南巖若洞而圯者一樵人曰此少  
南山室也父之遊丁公潭問於漁父漁父曰甕山益市中之  
異域云昔吾大父嘗聞山中有老父能繕生久而去之俄而  
來云山麓魁然而大凹而秀者甕之屬也因鑿之得石甕一  
倍於常甕華虫雕鑿不可辨中有物數十種老父悉携以去  
甕甕山西因為識曰石甕徒貧甕里人不之信也嘉靖初甕  
不知所存僕老矣睹吾里中之世變習矣夫甕何為余喟然  
而嘆曰有味乎父老之言父老何用識之漢父曰成弘以往  
非吾所知也聞之弘治中帝京世臣富嘉靖中商富隆慶俠

當今之時益治而昔之富者遽徙靡常僕何足以知之夫幽  
薊馬四足可當中人之產粟粟千子可食數口蔬百畦可當  
五帛相思跪李芳實祿運屯軍日夜織作純緣輕縠薰燧升  
緣則天下之沃饒也列聖培養小民守法堂獨先世號為太  
平哉弘治以後外戚遙臣都公卿之右握兵席寵氣勢炎；  
世祿者為之役則武斷鄉里都人以軍為美墓如而居屋相  
比也又謹事上時；餽食有所制無所爭吏憚于主者不敢  
問則世臣富世宗慨然求治破去煩繁法令日新民莫之忒  
于是文武奉法利害一切公之于下加以求仙採捕異好奇  
珍之絡繹則商賈重醯賈外攝府賈內贏謀賈血食奪人地

之即竹木之場陶冶之技亦富千室及至隆慶所好靡一不  
于是姦人之雄習刀筆視時愛其言曰所謂富者豈守子母  
錢而日為愚也禍且立至故不如求百倍之利乃衣鮮怒馬  
以交於貴人倚憑則高如青雲接趨則汗如溝渠已而墮則  
挾之怨則箝之刎頸託於非類千金轉於片言風扇波流無  
後網紀其勢斯極乃今人不無少愛矣說者曰帝里侈是未  
見天成之豪麗宣洪之清泰也曩者燕市是屋樓觀重綫連  
鈴貴人造佛寺渴泉飛山佛身純金七寶鑒淫中人燕享水  
陸應碑后軒美人曳綺紵秣陵之穀約于中單秀水機杼不  
藉而靡少年日夜歌吹東西樂部倡家樓閣通天亂煎鏤蛤

冬米春蔬棄之如遺賞賜動以千計三正元會酺樂燈火與  
若連山狀于六釐生花舞鳥闌枕其中舉火樹者萬計荆  
揚估船日市集於大市而今安有之衣文之巧日變日儉故  
有坐設而寡堅黑後者或改而市矣元夕寥々數人行少年  
博其數錢而推司空召商具立刑泥首號哭家立破敗四方  
異味日至物價翔踊踣更狹穢轉做他方賈者日夜心計市  
魁大姦其迹望々則何以稱也夫財通物富美名也通之于  
不可知愛之于不可繼豈石甕之為乎且以為誕也余然然  
夫時變不一知者所難父老何言之易夫愛之與來固不能  
必也是故成弘之有嘉隆猶先朝之有今日也豈必需于災

漫之故志誠之微哉藏舟于壑流通繼之夫壑也又何知語  
曰觀俗于野父老其似之矣歸而記之

采伯倪岳記曰甕山在都城西三十里清涼王泉之東南湖  
當其前金山拱其後山下有寺曰剛靜寺後絕壁千尺石燈  
鱗次而上寺僧淳之品菴在焉然玩無嘉卉異石而惟松竹  
之幽飾無丹漆綺麗而惟上墜之朴而又延以崇臺繚以危  
檻可登可眺或近或遠于以東望都城則宮殿參差雲霞蒼  
：鷄犬范：煥乎若是其廣也西望諸山則崖峭巖壑隱如  
芙蓉泉流波汎來如白虹渺守若是其曠也至是茂樹迴環  
幽蔭翳翳初窪濘濘百川所蓄育乎若是其深者又臨瞰乎

西湖者矣故夫有事于遊者沿城漘逾高梁緣長堤歷崇岡窮茲山而止攀援而登箕踞而覩于是雲開日晴川流山擁草木之蕃鳥獸之動迴巧獻技若迎若送者則有不必窮深極幽而西山之奇一覽俱足者矣然後知是山之特出殆冠乎西湖之上而余之游于此者亦已三矣是日退朝出辛城門行廿里許遂抵湖堤倪入林麓迴繞而西湖波粼田映帶左右水風時來塵意俱散又數里復轉而北山木蔓絡鬱然而青苔逶迤坦然而平石梁可涉潺湲水散此則所謂圓靜者矣迺相與下馬攝衣而行求晶菴而登焉至則僮僕俱在稍具盃酌汲泉淪茗已乃就座清吟笑歌忘驅馳之勞引



觴軒眉盡遊觀之樂風林暮色雅興未已從駕而歸陶然忘  
醉西涯事東陽記云西山自太行聯亘起伏數百里東入于  
海而都城中受其朝靈秀之所會屹為層峯匯為兩湖一方  
十餘里有山趾其涯曰覽山其寺曰圓靜寺左田右湖近山  
之境於是始勝又三里為功德寺洪波衍其東幽林出其南  
路盡叢薄始達於野乃有玉泉出于山噴薄轉激散為溪池  
池有事宣廟巡幸所駐蹕處也又一里為華嚴寺有洞三其  
南為呂公洞一竅深黑投之石有水板敷步不可下竟莫有  
窮之者

五湖朱長春記云西山之勝衆矣不能紀其所遊遊自玉

泉山始其泉流爲西湖玉河發焉車馬遵溪以入其山於諸  
山突而前延：遠望如金首戴土猶冠也近削立而尊如屏  
草巖寺南倚之寺煥存其復拾級升有平臺望湖焉見帝都  
焉壁當復後洞在壁間洞戶沉：黑若無入者入久而白暈  
光照其上下：乳如露盡其洞四丈而修廣丈有奇左右石  
林最裏見石龕也暮僧然薪助之後見而石壁詩自元丞  
相揭出以來其工人有洞其頂有故金芙蓉宮址章宗避暑  
宮也未至山之右枕泉而蛇盤曰金山寺自華嚴面下度三  
右橋折水而門臨之水清鑑毛石齒：然藻蘊蓋：然其中  
無魚陰水也金山觀不如華嚴軒檻差之可以寢處客多宿

昔有盤而西北緣岡而途皖：峨以曼衍皆山也。蒼巖高下  
隈異巖：然其林木參焉日之所照垣翼朱丹五采則嬾熯  
內人大璫瑩焉林杳菽栗油：交於林間有果園稍：有蕪  
牧村落也。

陸錢記云出平則門行可數里清風徐來塵意灑落遂遵湖  
堤繞村徑後先惟意行歌相答舉盼間樓臺鱗次出沒烟靄  
若非人世所有者午至功德寺主僧汲泉瀹茗酒數進起陟  
英廟行宮也乃從騎西往緣崖攀磴穿雲霧間溪花石竹幽  
芳襲人徐憇玉宸登望湖亭撫看花臺道傍諸刹不能遍歷  
惟聽主僧談名耳。

李流芳記云出西直門過高粱橋可十餘里至元君祠折而  
北有平堤十里夾道皆古柳參差掩映澄湖百頃一望泱然  
西山勾勾與波光上下遠見功德古剎及玉泉亭紺珠門碧  
瓦青林翠嶂互相綴發湖中菰蒲零亂鷗鷺翩翩如在江南  
畫圖中公安袁宏道高粱橋遊記高粱橋在西直門外京師  
最勝地也兩水夾堤垂楊十餘里流急而清魚之沉水底者  
鱗鬣皆見精藍棋置丹樓珠塔窈窕綠樹中而西山之在几  
席者朝夕設色以娛遊人當春盛時城中士女雲集縉紳士  
大夫非甚不暇未有一至其地者也三月一日偕玉生章  
甫僧寂子出遊時柳稍新翠山色微嵐水與堤平綠管夾岸

跌坐古根上茗飲以為酒浪紋樹影以為侑魚鳥之飛沉人物之往來以為戲具堤上遊人見三人枯坐樹下若癡禪者皆相視以為笑而余等亦竊謂彼蓬中人喧囂怒詬山情水意了不相屬於樂何有也少頃過同年黃昭質拜客出呼而下與之語步至極樂寺觀梅花而返

公安袁中道記曰出西直門過高梁橋楊柳夾道帶以清溪流水澄澈洞見沙石蘆葦繁蔓亂走帶牽小魚尾遊翕忽跳連亘流背林禪刹相接綠葉穠鬱下覆朱戶寂靜無人鳥鳴花落適響水聞聽水聲汨汨至龍潭堤樹益茂水益潤是為西湖也每至盛夏之月芙蓉十里如錦香風芬馥士女駢闐

臨流泛觴最為勝處矣。憩青龍橋，側數武有寺依山傍巖，古柏陰森，石路十級，山腰有閣，翼以千峰，紫把屏立，積嵐沉霧，前開一鏡，堤柳溪流，襟以畦畛，叢翠之中，隱見村落，臨水行，至功德寺，寬博有野致，前繞清流，有危橋可坐，寺僧多業農，事日已西，見道人執菰者，鋤者，帶笠者，野歌而歸，有老僧持杖散步，勝間水田浩白，群蛙偕鳴，憶此田家之樂也，予不見此者三年矣。

又裂帛湖，紀云：功德寺循河而行，至玉泉山麓，臨水有亭，山根中時出清泉，數噴，崕石中悄然如語。至裂帛泉，水即射沸，冰結雪滙於池中，見百子鮮，朱碧磊砢如金沙布地，七寶

龍虎潭下得度嶧是耀注於河。水深碧泓渟澄澈遠  
潛鱗了然浮髮可數兩岸垂柳帶拂清波石梁如雪鷹曲相  
次間以獨木為橋跨之濯足沁涼入骨折而南為華嚴寺有  
洞可容千人有石狀可坐又有大士洞石理詰曲突兀奮怒  
較華嚴洞更覺險怪後有竇深不可測其上為望湖亭見西  
湖明如半月又如積雪未消柳堤一帶不知里數鵝、濯、  
封天蔽日而溪壑間民分田作大田浩、小田鼎、鳥鵲百  
轉蘼華在樹宛若江南三月時矣循溪行至山將窮處有蒼  
高柳覆門流水清激跨水有亭修飭而無俗氣山餘出峽石  
肌理珠碧不數步見水涼即玉河發源處也水從此隱矣

白虎巖在寶山西北越橫嶺白虎巖在為人鮮至者闕人陳所  
記曰凡客長安者未有不指西山為勝概者也然遊覽所至  
亦自玉泉香山華嚴而止予自馬上望金山之勢蜿蜒戢戢  
烟草四合意必有神工鬼斧在人跡不到之處或曰白虎巖  
最奇于是挾善遊者新安周生最糧取道登甌山絕頂度黃  
秋坂繼石澗而西秋高澗水僅沒踝清駛殊常挹而飲焉夫  
澗桑葉如綺澗窮小嶺橫之有白石如幢屹立嶺上微有字  
畫然薄蝕不可辨矣越嶺諸峰爭列茅蕒不斷一峯最異即  
白虎巖也巖高數十丈嵌空欲墮中窺可旋兩車巖左一隙  
如窓櫺下視深窅不知所際谷風倒射隙內琤然雖笙簧合



奏不如也相傳逸時有仙人騎白虎往來斯巖故以命名登  
巖頂洞萬壽山如盤掌指西望太行高掛天際天矯乎龍烟  
雲繞之所續無跡通風烈不可以立而下巖角有茅舍小而  
整西僧居之黃嶺紅顏採草根和水以食音語不通見人嘻  
咲而已不知何年代至中國棲遯此山也凡巖之木皆絳色  
離披非平地所見獨巖口古槽一株根出兩石相夾處盤旋  
橫繞倒掛於外大可數百圍色亦如丹砂夫人不能計虬龍  
而諦視之使得諦視常如此捨矣是又巖中之最奇者也日  
暮歸宿瓊山次早略至玉泉而返

聚寶山在玉泉山西南行數里度山石橋沿溪轉至卧佛寺復  
二里為碧雲寺金碧鮮妍究一天界巖下一泉汨、石渠導之  
迤齋廚繞長廊出殿兩廡左右折復匯於殿前石池泉傍一柳  
有大庵人呼癭柳、左堂三楹萬曆御題水天一色前臨荷沼  
沼南修竹成林巖下一亭曰嘯雲

玉泉西七八里聚寶山碧雲寺金銀宮闕如王者之居朱繡  
文記門堂七重、累教十階以高其除廣茂有池廣方居以  
殿中有梁跨池如亘白虹池中魚大小萬頭其色丹白青藍  
驪珠璣瑁出沒藻絲蘋葉承間如綴金玉寶珠繁露也渠之  
中塞以朱欄神宗移蹕再幸樂之設常飲渠上觀魚遂為御

道云池之水盤折而流其下狀地而至玉泉出焉其上且隱  
且見經殿北澗後伏殿下出有洞又伏落池其源至遠出首  
當寺後山之高壁云當源為泉亭折泉為流暢文亭左右又  
前澗為池紅白荷花蒲蓼差又前盤栢為屏：前竹一方  
區細如階皮黃金數千百枝葱葱為熊：昔竹前古銀古蔭  
蔽區等於竹亭右古栢下木半皮枯擁腫若衆若虬鱗若疣  
上枝細如絲青：蓋亭：為寺中音駕為留半日御搖寺人  
迎飲三留御書額二曰蒼松古栢曰水天一色亭傍壁峭如  
城高可十丈長四五十丈亭蓋處其窪間道也壁古石室三  
臨澗石門石竇窻入蹋地有鐘鼓鏡吹之聲吟：疑其雲中盛

夏涼可以衣僧去冬則燠花木之避凍者藏焉

虎林沈守正紀云碧雲寺精整勝香山而疎曠遜之獨寺後

一泉出石根冬夏不涸導為池方植白蓮其中上有亭大小

二池前修竹一林清瀟可愛予自渡江久別此君婆娑不忍

去微風徐來簌簌如相絮語泉繞寺中已涵皆資之恨其從

屋雷下過安得好事引為流觴可坐可臥亦一大勝也

吳郡王尉紀云從玉泉度兩石橋循溪轉陰於卧佛寺婆娑

樹之陰後二里許至碧雲西折聽泉亭上殿前石池一而橋

館為二中畜五色魚百千頭余解衣盤礴坐而施餅餌為啖

相呼雲隊再撻若為魚麗以仰攻者

武林黃汝亭紀云卧佛寺亦泉勝層巖夾通而下本木石散  
置可游可坐亦勝地也寺內有婆羅大樹二株可數圍其子  
如橡栗僧云不但與菩提初子可作念佛珠碎之下酒可療  
心痛諸山皆無

公安袁中道紀曰香山跨山踞巖以山勝者也碧雲以泉勝  
者也折而北為卧佛寺轉凹不聞泉聲然門有老柏百許株  
立寒威逼人至殿前有老樹二株大可百圍鐵幹鏽枝碧葉  
虬結紆戔迴月屯風宿露霜皮突兀千巒萬嶺怒張出土高  
塊詰曲叩之丁丁作石聲殿堦周遭數百丈數百年以來不  
見日月石堦整潔不容唾寺較古游者不主長日靜寂若盛

夏宴坐其下凜然想衣裘矣鉤樹名或云娑羅樹其葉若葢  
予乃折一枝袖之俟入城以問黃平清必可識也卧佛蓋以  
樹勝者也夫山刹當以老樹怪石為勝得其一者皆可殆不  
在整麗三刹之中野人平居卧佛焉

香山在碧雲南二里許有永安寺舊名甘露其制一如碧雲而  
饒古色最勝昔來青軒乃神廟所書額也金人李晏有碑其畧  
曰西山蒼々上千雲霄重岡疊翠來朝皇闕中有古道場曰香  
山上有二大石狀如香爐蝦蟆有泉出自山腹下注溪谷曰水  
清涼西行數百步至弘光寺殿圓製極二成化初創于中官中  
官高麗人見其國金剛山有圓殿故移其製於此而其前者金

章宗紫雲臺

朱長春記云香山敞煥不如碧雲棟宇時盛碧雲蕩蕩開朗  
有大人威嚴香山猶孤島如羽人化城陵世焉碧雲塹削而  
坦茂其陽可望萬里都城如帶香山獨牙錯門徑幽耳來青  
軒其至高望下一隅但海氣蒙出焉其山盤回其泉折滌  
其離閣參差其氣竊涼其草蒙修其木茂離披多古殿前二  
栢松十圍隱千牛焉日出映之山中翁如青雲起世宗嘗  
幸臨登軒望之嘆曰佳哉北山獨有紫翠色軒有令上御書  
亦兩幸矣其高於軒者山顛有亭右盤數百燈上不留足  
爰也下須翼之猶不可趨升之望見諸陵其兩脰猶山蔽

之蓋遊希至亦無題者未至乎在山泉至去頂復千尺按  
志上有二百狀如香爐蝦蟆望之未得升為山之人言自香  
山又西以南山特奇怪危深其靈巖佛宮徃而是經數百  
里盡乃至河內彌月不能遊然遠稍荒落莽蔽而此以近  
都獨盛以故遂不復西

王衡紀曰由碧雲至香山磧路深曠夾道盡白楊青檜維  
雅不減幽絕當山之遠者曰不憇亭其曠而可坐眺者曰來  
青軒不憇在山半灌木陰翳之中憶春季杏花飄飛盡矣而  
此地猶能護殘紅以遲我念而尋舊遊焉已乃迤來青軒  
前兩山為距而虛其襟以捧帝城斜照薄金飛臺蒸氣正紫



相顧謂此地宜月投枕焉而東自無量殿數折乃至洪光寺  
皆垣垣疎栢不蔽外景渭人斃白石為階其淨若拭余嘆曰  
使死不速朽者殆樂哉斯兵災災而出望之東壑中鬱蒼攢  
錯閣道參差若飄紅掛樹葉者其光裕寺耶心樂之而日且  
下春矣不果遊

洪光寺入石門路甚修平可步古栢夾之外不見林上不見  
顛枝幹交蔭人行道上蒼翠撲衣日影注射如浮藻凌亂可  
數百步緩折而上如是者凡十有一每登一折必右瞻左木  
左瞰絕壁皆斃石為之歲久若天造栢從石罅出多類兔  
工初登一二盤竒在栢稍上諸山如螺髻自栢外見則又竒

至七八盤山盡在下精藍名聖基布繡錯金碧晃耀日竟安  
換殆無暇間栢奇矣盤窮為山門甚精麗又進為圓殿亦目  
所未見

洪光者即香山之支院也不復由十一盤穿栢中小徑數十  
步即香山藏經殿步而不即後殿從兩側逶迤行至正殿壁  
級從東行至方丈自迴廟後東為來青軒群山拱揖蒼蒼剝  
人目下見岐陀高下古樹可十萬株此香山之第一勝處也  
由方丈出見山石溪流奔注如玉龍大橋壘而未獲下為方  
池一汪沉碧有魚數十頭出沒其間  
沈守正云碧雲池亭蒼松翠栢水天一色香山來青軒鬱秀

清惟望都亭六榜皆今上御書又一聯云碧壤雲根嫌地窄  
受看山色放牆低不知出睿思否語亦有效書以沈度學士  
而骨勁過之

王衡記云今歲戊子春季之二十二日約友人張益之陳錫  
玄張仲立鄭子瞻遊香山以了花事而以盧師足之此期而  
仲立以事辭錫玄復拉入他隊中余與張益之鄭子瞻周生  
如春者且行矣而黃風如矢益之又謝病歸余三人獨當風  
行葆髮益面蹇且不前也已至高梁橋而風戢然柳枝不摧  
巾角微拂子瞻顧謂余是風留花耶抑花留客耶余笑曰嘻  
互有之半里許為真覺寺前浮圖高五六丈許而上為塔

五方陟其頂山林城市之勝收焉余語子瞻此不當勝天竺  
耶吾於此訂雪盟矣田真覺青綠湖堤、柳婀娜安水已油  
油然而其下則菱芽蒲戟虛着柳絲鴨綠正與鵝黃相貼顧  
尚不多得花初見花數十樹武百樹則紆騎賞之以簪余帽  
且滿已而去城漸遠花漸繁則當馬首者視之已則左右指  
而已小憇於望湖亭俯而窺泉以所風花盡施之池清颺或  
來紅翻綠皺悠然有春江花月之想余乃以杯酒坐花解上  
候於橋左雜水三亭因呼子瞻和花嚼之自亭右沿山騰行  
又遡臺小村向香山碧雲始見、山以上下皆漫、遙白余  
曰雲也子瞻嘗視不應徐而曰其雲耶將無是英英者耶已

而問之山農乃真杏花也始大咤以為奇絕樹平至非佛奇  
面面皆花而一緋杏據西原上者大可盈抱且殊麗三人緣  
而上則枝輪樛覆若倒掛菜萼網、外復施百步錦障余馳  
蕩不自持而日且晡矣期以明日假碧雲道脫衣掛壺於此  
乃舍而至香山宿于來青軒從軒前望花如春後薄雪翳、  
滿野而不蔽纖濃罩樹之觀詰朝陳錫玄從碧雲來視予予與  
憑軒指畫諸勝次及新柳余曰人盡云烟柳烟安得柳容其  
仙者正在露葉時若眠若起半空半色之間耳錫玄深賞其  
言相携而上流憩亭、西一杏尚未礪函蓋昨歲遲我于花  
後者也余謂錫玄曰是當有神酬以酒祈明年花事焉

武林黃汝亨紀曰過香山巋嶠披磴流泉茂樹一着履即有  
軒：白雲之氣半似吾山九里三竺間於兩山中當陵上座  
登來青軒峰皆下蒼翠盤礴大撮山河之勝有扁書世宗元  
年題此山獨有紫翠色真睿賞也餐卧彌日獨不忍去上有  
流憩亭不及來青甚寒泉亭更可無坐

中峰在香山之後以其居諸峰之中故曰中峰也上有應麟危  
磴而上十百者三始及庵：兩翼有亭東望京城：塵土微  
見黃色一點大內也山之陰有晏公祠翠巖寺永壽庵山之陽  
有弘教寺俱稱名勝

安公袁中道紀曰中峰庵門有石樓可眺有亭高出半山可

窮泉隱囑圖可十里志以白石巖砌高薄雲漢修塋中襟之  
紆曲皆燈燐徑石光可鑑不受一塵處、可不施簾席而卧  
於諸山中鮮潔第一剎中僅見一僧甚靜寂予少憩石樓下  
清風入戶不覺成寐既寤復俯故澗、澗而怪石經於疾流  
衝擊之後墮者偃者橫且卧者泐者背相負者欲正未正欲  
轉不獲轉者猶有餘怒其坼根水洗石出亦復鉞瘦峻峭  
嶮陷坎壈中松鼠出沒淨清可人舍澗而上碧峰得寺曰弘  
教亦有亭可眺也有松盤曲大喬膚皴枝拗有遠韻間有怪  
石佛像清古亦為山中第一降復過翠巘循澗左行山口中  
為曹家樓有橋可憩行栢駢羅石路宛轉可三里許青苔紫

馭綴亂石中壩畔亦多斧劈石骨理甚勁意山中概多怪石  
去其土膚石當自出無奈賸者意在整齊即有奇石且將去  
天巧以就人工况肯為疏通顯其突兀奮迅之勢者乎絕頂  
有亭眺較遠以在山口也此處門徑弘博不如香山而有山  
家清奧之趣亦當為山中第一也

又紀翠巘寺門有渠天雨則飛流自山巔來巘吼石聲潄奔  
雷霆直走泉麓洞駭心目利後石路百級有禪院四周皆茂  
樹左右松栢千株虬曲幽鬱無風而清好鳥和鳴於疎林中  
隱隱見鄒城九衢宮觀櫛比萬歲山及白塔寺了了可指其  
郊坰之林烟水色山徑柳堤及近之峰巒臺秀樓閣流丹則



回皆几席間物出門即為登眺入門即就枕簟雖夜色遠來  
猶可不發覽焉有泉甚清可煮茗遂宿焉風起松柏怒號震  
撼衝擊枕上聞其聲如在楊子舟中駕風帆破白頭浪也予  
遂定計九夏居此以避長塵矣

武林黃汝亨紀云從洪光寺通佛光寺為弘教寺有石橋魚  
池不及碧雲寺前有流泉亭亦似碧雲閣亭意而攝境開山  
面遇之會晉川趙尊廉飲此樂之浮三大白而別弘教之旁  
有巖俗稱晏公祠余偶入視其內皆古室琢三皇五帝列聖  
名賢像自吾師宣尼而下及宋朱紫陽李延平諸公兩壁又  
刻畫忠臣孝子如玉祥顏果卿之偶又有小石室題述五經

書史記之乃武廟時中黃晏公造也余因嗟嘆自吾入西山  
所見金碧殿閣皆浮屠氏之宮大都皆中人自營其身後香  
火藏而此室獨及吾儒門一案何類無賢

盧師山在京西三十里山半為祕魔巖石嵌空幾二丈舊時  
一隋末有沙門曰盧師居此山能馴伏大青小青二龍故名巖  
下一池二青蜃處視之若不甚深然探入不可窮

都人于奕正云石子鑿故桑乾河道也曰盧師山有寺曰  
盧師寺正統十一年更名清涼今佛無殿已過寺半里昔祕  
魔臺是盧師晏坐處相傳隋仁壽中師從江南棹一船來祝  
曰船止則止船至崖下止遂崖居數歲二童來曰大青小

青願待不去歲大旱所司徵禱兩者童子曰師來師願，施  
雨，一方也遂乘雲氣去俄雨大注知大青小青是乃龍矣  
龍歸投潭中潭廣丈巨石覆之深黝不可測二龍有時出雲  
氣仍隨之崖下塑二童子侍師像崖上一栢產石面長尺不  
凋不榮是盧師手植

翠微山在城西三十餘里上有圓通寺蓋舊平坡寺也姚少師  
嘗言平坡最幽勝學佛者所宜居山半有平地故名洪熙初始  
改名

從香山東行飯于善應寺中東走潯道尋盧師山觀翠微一  
帶蒼石碧崖掩映白楊深栢中而新柳杏花希稠點綴斜分  
倒挿盡有深情蓋香山如楊州花市濃抹故佳而此地則若  
耶曲徑其不厭正在淡粧耳從盛師寺秘魔庵循東岡而至  
清涼寺一有古佛像其前為平臺眺望甚偉自此下而南折  
背從山邇中行花柳時可觀凡折數盤涉五六壑而至平坡  
寺一閣度山顛于遠眺猶勝

潭柘山在京西八十里舊志山上柘樹一株屈曲如虬斜傍二潭：水磅礴迭峰而出其頂脩竹篋娟不減江南

出京至馬鞍山千佛閣及戒壇至龍潭洞踰二嶺而至潭柘潭柘以一培塿當群山心九峰底而立舊志所謂老柘美竹者烏有矣而兩殿鳩工絕則金元故物也寺後故有龍潭今已斃為池而其夫妻尚潤去山數里泉走石崖壁間散甚怒至寺橋而水益怒

覺山在京西三十里懸崖之上與盧師平坡踰峙西有三泉曰清涼冷曰消首曰海至

歸象山在京西三十六里山陰有漢左馮翼綿延寺基綿世居

於此俗呼罕山又呼黑山涯

仰山在京西七十里峰巒拱秀中有平頂如蓮花心旁有五峰曰獨秀翠微紫蓋北高紫微金章宗有詩刻石云金色界中兜率景碧蓮花裏梵王宮鶴鶩清露三更月虎嘯疎林萬壑風

百花陀在京城王平西口四圍皆山中有平川約數十畝產杉漆藥草春見之交百花爛然有金章宗石牀今存

都人于奕正紀云府西一百二十里由王平口通漢甸以分界處曰大漢嶺抵沿河口玄女廟是百花山足也山翠羅集引人渡石澗上馬棚山折旋其徑左右周轉百步當其上十步以登所苦石磊磊永趾不以土素素車馬人趾漸生之所喜

樹陰雲影陰蓋密樹不至懸酷達此至法幢庵五里途折從  
如前幸容騎而馬達一喘一汗遙多不忍騎者上下錯峙  
縱橫一翠迎送日晡不覺五里籬徑坦然矣如庵也南而西  
行數里千佛山又數里觀音山逕折旋如前山舊有菩提樹  
仙人橋望海石盜伐樹久橋石則存過此山石盡於空際熊  
瘦矣下上嶺者七迎前壁立者鶴子山也此去千佛巖山石  
態變者盡作人形度閭王嶺是百花山腰也百花者紅紫翠  
黃不可凡數不可狀喻不可名品那一色中解夢附異不可  
縣之土人指一種尊之曰天花艷光而幻質佛諸經每所稱  
天雨曼陀羅花夫雨曼珠沙花也行百花中一里進籬門右

洞禮佛殿上禮文殊閣上禮文殊法身塔下登菩薩頂累石  
凡三峰坐立頂上俯諸山皆如圭東西二靈山也乃旁四望  
東京師也南丹：首渾河也前蕩乎茶露頂居庸諸山北蕩  
蕩乎邊城外沙漠際無窮也是百花山頂也下頂木半又入  
百花中不可名狀數者多於前衆之龍王顏廟列五龍王中  
位龍母北之大士被髮翦鬚鬚然下千佛巖南之東之又入  
百花中花被逕八里多於前迤白水庵行泉敬二里一松標  
瑞雲寺：即五代時李克用建亭故處俗今日百家寺也寺  
有煮石鍋非石非鐵瑩如漆光宣宗嘗取視賜以龍柑歸寺  
也志稱山暖肥產杉漆藥草春夏爛紅紫香襲人則百花首



藥草花即然本草圖經中亦無從物色之

軍都山在昌平州西北二十里昌平漢軍都縣以山名也後漢  
盧植隱居上谷立黃律教授生徒烈微時脩弟子禮焉彼時  
軍都縣屬工谷郡又名居庸山太行山之第八陁也

玉帶山在州東北十五里山腰白石周圍如帶實拱拱陵寢者  
又五里為筆架山三峰並列迥出雲表明太宗陵在焉州之南  
則曰鳳凰山出城西四里至絳門西山並峙連翹如鳳肅州北  
則曰虎峪山魏莪昔虎踞又十里日照壁山正方如屏以作南  
障州東有影山遠望之其影先見故名是為東山口州西有小  
金山日午金光射人為山西口又皆陵園諸山之護翼

紅門之西翠屏山下出泉九穴爲池名九龍池：上亭臺金  
碧輝映，變若仙都。又有仙人洞在紅門東山腰，鑿銑頗狹，而  
下至洞約三丈許，內有一門，巨石天成，近門上有石鐘，長約  
數尺，倒垂待叩。入門轉南，見有石縫如夾道，邃窅無際，不可  
深入。古詩云：我欲叩石鐘，驚起洞中人。烟蘿杳無際，空鎖石  
門春。石洞何窈窕，云是仙人處。仙人渺何許，瑤草空自清。石  
洞窗且深，花落無人掃。仙翁去不還，何處尋瑤草。

白浮山在昌平南一十里，山有二龍潭，流經白浮村。元人郭守  
敬引此水西折而南，經甕山，流入積水潭，以通漕運。

郭守敬所築堰，起白浮村至青龍橋，延袤五十餘里，以障復

塔神山諸水名曰浮堰

妙高峰在西山後居庸關諸山之面也與天壽山相接中開一罅即居庸關山峻而秀故以妙高稱

袁中道記曰妙高峰去沙河四十里遠視之惟一山逼近則山一相倚如笋籜散雲駭極其生動其根為千年雨溜洗去石骨稜嶸每山窮處即有小峰如筆格法雲寺枕妙高峰最高處近寺有雙泉鳴於左右通石梁屢級而上至寺門內有方池石橋間之水冷然沉碧依稀如清溪水色此雙泉久曾廢也其上有銀杏二株大數十圍至三層殿後乃得泉源西泉出石罅間經茶堂兩廡繞雷而下東泉出後山經蔬園

入香積而下會於前之方塘是名香水也山石雖倩更得此  
水活之其秀媚殊甚有棲可卧者諸山石有偃蓋松可覆數  
畝故老云金章宗遊覽之所凡有入院此其香水院也金世  
宗章宗俱好登眺往往至大房山盤山玉泉山而其中有云  
春水秋山者章宗無歲不往豈即此地耶

峒々崖在照陵之北極其陰峭

于奕正記曰峒々崖旋旋峭壁若梯磴石醜怪若鬼面下  
崖之庵曰瑞峰一曰麻尼崖高危立卷通其踵南山前通卷  
而又高危冬前後兩月蔽不見日惟短至日景一線透之崖  
王峰而三卷兩峰翼中峰首自盤道卷以之東峰卷壁與石

與樹也西若有奇焉自渡橋以之西峰卷壁與石與樹也東  
若有僻焉自東西峰以之中峰卷壁與石與樹也東西若有  
高焉天啟中陵監飾五卷新矣三峰失其朴

駐驛山在昌平西南二十五里高十餘丈西北袤二十里金章  
宗遊北鵞駐驛字上有臺章宗自題棲雲嘯臺四字

鄧人王嘉謨紀云自高粱橋水度至白浮庵山出則綠竟麓  
山斜界百望是山也南阻西湖神皋蘭若皆草焉北通燕平  
叢：崦嵫背而去者百里猶見其峰焉是宜禾黍山之陽有  
祠焉高十五丈登之可以望京師可以觀東潞出百望十里  
為長樂河：水不甚闊而駛又北二里為玉斗潭潭其峭僅

丈腐草卷之深不可測或云是有物焉有兩牛聞而欲陷于  
潭輒不可得又北十里為灌石駐驛山在焉其山長西北夷  
凡二十里石皆壁立高可十餘丈嶄嶄欹危如墜如挽前臨  
平川一望無際秋堆時隱猿鳥悲號行者慄慄西望自虎鉤  
深若天井湛碧唯盡山之上有臺是名棲雲金章宗嘗遊焉  
登臺而嘯題石而飲下而觀于野蓋燎而獵焉召其酋長大  
人擊毬俄而自擊也乃嘆曰美哉乎而誰見之山不石牀石  
金俱存山之西有洞是名寒崖勢如輿遠中多異草奇石灌  
木隨風揚芬四望則惟北多岨云壽宮之成也上自狄村遊  
於渾河是嘗駐驛自駐驛而北皆崇山也連綴匝匝又以礫

延緣巖間白石嶄：春夏雨潦則成巨浸，熊米不達。又北二十里許，乃從西折斜入南谷，有聚焉，是名漆園。園之南有山，焉是名雅思，是山也幽晦多霧，富有果，祿山陷而為坎，有池焉，淺冽如露，是名露池。有比丘一人，土人敬事之，自園而出，再由走集西十里許，為高嵒，下有泉，迺其聚。四面皆山，蔚洞森蕭，燠如也。又西北十里許，為許水澗，是澗也。兩山如門，行可二十里，山皆奇峭，麓山中飛泉，颺灑或決地或分流，深洄樹木之間，惟漱巖崖之穴，青如亂髮，白如吹絮，仰視重峰，時有礫石之揭，沈黯迷離，天氣自壘，崖間百合，忍冬棠，牡丹，嬌相思，郁奠黃檗，唐求之，偽滲味扶芳，礫紅隕翠，飛沫。

擊枝墜而復起新實合濡落而不變奇禽異羽嬰：滿耳鳥  
窠雄雌滿其岩穴山鹿之麋栗縉之毛丰茸隨風汴流而汴  
高：莫極有嶺焉名曰鰲魚又西里許山益峻有蘭若二焉  
上曰松陽下曰金鷹其上獨多松合抱而數丈者有三檟檟  
皆萬計登之而登望則大山屏張雲然斜闔則金鷹在焉金  
鷹下控大巘一吐百穴漚而為湖決而東流是為清水之源  
迤邐以東下山折坂而南蒼然紅艷髣髴有光有徑焉曰六  
十屈折汗邪黃蘆白沙之間可六十折再由走集又西有徑  
曰十八盤息壤如金巖勃而立伏可容人可十八折登顧徘徊  
西則植立夾持不暇停足頗視斜柯洪枝匪藤蘿而舞鵲



崔昔深，莫極旁眺則北山矗：一陰一陽閃爍孤日含濡  
雲彩山之工平行西五里有嶺焉是曰長城蒼點高踈下視  
前坂其巔危磔縱橫微有雄傑剝蝕沉莽是曰秦皇之址有  
泉出焉是曰馬跑邑狼覆之將背矣又西二里有臺焉是曰  
了思衡可二畝高可數仞洩瀆區之愀擅相栢之木苑：相構  
登之可望四方斗絕有足懷者下臺而西又十里皆峻嶺也  
辟為中路巖之內間如榭如障如層樓深藏如盲茗盤互花  
實齊秀風來並響迷閑茂木茂：留滯有礙焉是曰仄嶺險  
特倍于長城石如蛤粉無樹木大石壁：吹簫揚塵則粉落  
而起百里可見了：如雪路口如甌甌一縱孤霞紫照通川

下山有城焉是曰鎮邊之廢邑又西八里許有城焉是曰鎮  
邊兩旁皆山圍之其南曰碧駕之山曰通明之山其北曰鷹  
揚之山曰淞洛之山有湖焉小而深在碧駕之巖圍結不見  
每多異草中有赤鯉盈尺春夏之交山水增流則湖益清可  
鑒是曰合抱之湖鎮邊巖邑也居人僅可百數地寒不能五  
穀五畜勞窳不甘兵祿其間牧豕難治西十里有墩曰唐耳  
背塚大山下視懷來烟液杳冥足為天險棲堞固溝洫藩軍  
械稍暇橫嶺而斜居康可甲燕平鎮邊廢邑其南皆山也  
中為衢路其東曰六華之巖其西曰小神之山曰青利之山  
巖分形如六華其第四巖有洞焉最深窈上人夜登之取宿

鳥忽有獲鶴飛鳴是為鳴皋之洞南可十里有聚焉曰長峪  
又西五里有巖曰德勝又曰鳳皇上有蘭若焉是山也威紆  
距絕抵此而窮四面環匝山可三十丈磴道半之登之每顧  
則山形變蘭若已圯然繡結秀聳不視玉山側々欲合東望  
長峪蔚然開陽其左若釜尤峻古稍推出山下有泉焉涼々可  
二十里達於渾河照映蕭瑟町畦晃然據岩而立終日無人  
山之上奇樹新寔甘香翹颺背秋涉冬空穴悄然萬碧俱立  
山之上有望焉登之而望則蹙然兩山蘭若開藏不可俯見  
是曰隱鷲之臺山之西有洞焉小而隘可容數人門有古松  
蔽之坐其中以瞻兩峰有如指掌中壁刻觀世音大士像鵲

刻甚深是曰觀音之洞又曰孤松之巖蘭若講堂中有頌婆  
三株大可合抱翠葉多子團團數丈真可奇也山之南有巖  
爲曰西峪可以入沿河山之下有碑不可辨自長峪而東可  
二十里有聚爲曰菩提塹有祠焉是祀菩提蓋古人有乞食  
衆食之戒而怒爲乃殺之剖而食猶故民神之是爲祠也有  
蘭若焉曰白鵲是山也險倍灰嶺不通行者幽阻淒藹儼然  
可怖有壇焉幢設於上皆紫英之石爛若丹霞有桧杏二樹  
大可盈抱芬盛多子出山而北有山焉是曰白鶴其峰岫縹  
緗不易詰也其中有白色鱗然狀如鶴著於石上又折而東  
則走高崖北山自高梁至德勝共百八十里小山至衆記者

二十島有紅鴉沙鷄又雉半翅獸有虎豹奇狸狼野子白獸  
衆諸鬼毫草樹多奇土人每言二月之交有山曰青華不可  
萬丈西通四方每有瑰形奇物且飛且走衝亂而西儼人莫  
敢近也又言三丈每雨羣山出流大石浮、馬奔騰至有如  
雷霆仰視碧駕鷹揚之山半在雲霧成樓畫晦飛雲積烟片  
片入戶連月不霽寔神京輿區山川之都會也

銀山在昌平東北六十里峰巒高峻冰雪層積色白如銀故名  
麓有石崖皆成黑色又名鐵壁頂為中峰迤出雲霄緣石梯上  
五里許下視梵刹如彈丸刹乃唐時建額七十二庵沙門鄧隱  
峰藏修之所有浸月泉天清橋巨虎石誦經臺諸勝

明李元陽記曰晚起騎竹幾二十里路人乃云赤獨子去密  
雲已自日矣衆相顏色阻南以謂子曰銀山鐵壁去此不遠  
盡往遊焉遂折北而去諸君相尾問程或言遠或言近各有  
唯色遂回不進南以與子恐爲所阻遂策馬亟馳行六十里  
至鄧隱峰道場八角亭東北有鉄崖壁立石色熒然頃之月  
出炯如銀界洗盞更酌夜分不寐明日將拄杖登頂寺僧曰  
頂由闍王鼻行僧住此十餘年亦不敢度予二人笑而不聽  
竟趨鼻側山脊如刀背僅容一足長約十步而旁如削下臨  
萬仞不可礙視置風吹衣足不能立曰予曰列子履萬仞之  
險足二分垂外何如乃去鞵跣跣坐徘徊取棋枰對奕南沙

忽惟棋東行予回顧渠已度鼻笑予亦側身起立遂其武而  
東遂相與同登山頃予曰君無議擬予無思量乃能至此向  
使議擬思量東瞻西顧則私意起而反感安能至於此哉南  
沙曰士之立朝能以無議擬思量之心行之何事不辦坐未  
有頃寺僧憑樵者送茶答飲一瓊樵者指長城外曰此為黃  
花鎮此為居庸關又西為某關又東為某鎮皆在烟兒微茫  
中萬里籠沙風靈無際令人氣吞遙塞眼隘寰區笑置風稍  
定挺身度鼻而回初無難者回入僧院崔都尉京山自外來  
曰聞二公在此願得同遊逆舉腸存山教坐月下說長城險  
易夜分各就宿明日京山早發外別予二人尚未下榻飯已

由捷路向昌平道中名木柵如圍初不知其故既而問樵人  
乃知其為致虎圍也頃之從人告飢遂就流泉而飯甚甘之  
焉上作銀山鐵壁歌夜投昌平公署不食而卧明日荆川少  
海携酒來相勞頃之湛泉亦至因為言山水之情狀諸君願  
以不遊為恨荆川名順之編脩武進人湛泉名與齡駉封郎  
山西人少海名瀚考功即順慶人南沙名通職方即富順人  
予則名元陽字仁甫號中谿大理人為御史

大房山一名上方山最稱奇秀古碑云幽燕奧室

關中曹學佺記云出房山縣行六十里所通村落曰尾井曰  
天光曰孤山口皆與山勢為升降通孤山口則崇山如環坐



溪如帶時時涉溪沿壁殘苔門羅乃至麓有一庵爲諸峰  
所衆如後視之昂首也屹若兩壁相距中間一線爲道盤旋  
五里至石梯：即巨石五丁鑿爲坎僅容半跬高數百磴左  
右兩缺絙長百尺願下垂陟者緣之手與足分任其力蓋左  
迫無極之岩而右臨不測之淵矣梯盡處有小庵可憩折而  
東北可一里至山門入門始昂首見諸庵縱橫稠疊安於懸  
崖峭壁叢茸之內如鳥巢然所謂梯接也獨上方寺正中如  
員宸以居躡千百磴姑可到傍有兩欄流下閭而不見水其  
上有冰封之耳又東折而往則連崑崙陰雪堆來化獨有古  
柏青：龍蟠虬舞出雪之上其崑軒揭如仄奇秀如雲穿注

如蜂房燕壘。臨下有泉深三尺。廣倍之而一平臺又十倍之。  
相傳開山時有龍占北裨。仰北之遊盡翳其山泉。以去而龍  
錫擊其尾。而泉僅滿斗。金山即名斗泉也。山下有洞。尚稱一  
山說者。以此山空腹。寺徑建洞。然人必自其上行。上行必徑  
前峰。孤圓突兀。形如摘星。望之甚憚。陟亦可至峰半。可顧諸  
庵。巖亦旁平。尚不見洞。又下五里入洞。如一城。僧家依洞為  
窟。石床茆簷。可掬為客。黃茗初不有。水以葫芦繫腰。至洞裡  
取水曳之。出入昇緝。結藤為炬。鱗次而進。第一洞猶隱。見  
影二洞。以內即黯黑。無光。三洞是一小竇。圓可三四尺深。五  
六丈。伏地匍匐。求身蛇行。即僧所受葫芦處也。入三洞。倏焉

廣燎炬不見頂傍有一潭石蜿蜒如變龍狀其中圓光如珠  
於是取水焉抵九洞無路有穴如井入者後人購前人背丈  
餘復空濶但霧氣翳塞履滑水濕不易前進至十三洞路尚  
不窮云過此無奇興盡返矣大抵中以一曲為一洞十三洞  
約有六七里洞中之石玉白鏡堂劇為琉璃踰寸明徹其境  
之最著者曰蓮花山片如青蓮瓣曰龍虎宛肖龍虎曰長  
眉祖師兀坐岩畔眉脩然垂白呂純陽儼然具道者衣冠曰  
石塔層層筆立曰石鐘鼓叩之作鏗鼓聲此非歷三洞穿竇  
之苦不能得也又其最著者曰須彌山一山甚大行良久唯  
盡曰雪山森如積雪捫之若刺曰萬花樓山之上重樓焉

以雪為地吐花如靈芝者數萬朶曰仙人橋跨青溪而渡曰  
十八羅漢為脩短狀正各狀貌曰接引猶從頂倒懸縹渺若  
拂此非歷九洞八井之危不能得也出洞之後依然天光迥  
若隔世驚喜異常

小西天即石經山也在房山西南四十里

紀云范陽懷玉鄉西北山水秀異孤樹村北行四里許兩  
山對峙外隘內豁小溪中出石峰參差如大牙水觸石流激  
然有聲淅溪前行十數里有巨石數十橫布水中躡之以渡  
登平岡而望四山多離絕之勢峰巒峙立如書空之筆者不  
可勝數其中一山若火燄而草樹獨茂問諸牧童知為山帶

山而小西天之境在焉迤邐至山麓壁立似不可登徐望之  
有磴道循山之偏脊直上行者前後頂踵相接凡三憩息始  
及山之半有石室題曰義飯廳碑志云唐乾符中僧藏真所  
建欲俾遊者至此不必齋糧也由廳前折而東鑿石為道廣  
不盈尺橫于山腹首一里許將折而北則條石為階凡九十  
九級上至平處行百餘步復有階如前級差少自其上平折  
而南有石堂東向方廣五尺許名曰石經堂有儿朵鉢瓶  
之屬以祀三寶皆石為之其上天然如帳頂下則甃石以平  
其他三向之壁皆嵌以石刻佛經字体類趙松雪意必元人  
所刻其中有四石柱：之上各雕佛像數百皆為小圓光而

飾以金碧堂之前向為石甬八角可以啓閉外有露臺縱僅  
八尺橫與堂稱三面為石欄設石几石床以為遊人之所憑  
倚傍有禪房庖湍之所皆因巖為之不假人力堂之左有石  
洞二其右有石洞三復有二洞在堂之下方石經版分貯其  
中蓋隋沙門靜琬始以經刻未成而奄化唐貞觀後其徒道  
公等繼續成之至遼統和及金明昌之際有沙門留公順公  
亦增刻之前後納於洞中者通十餘卷石凡七百餘條有石  
幢記其目甚悉每洞皆以石為憲檣用鉄圍之縱廣不可知  
而石本之近憲者可以窺見現其字畫則遼金所刻與隋唐  
自異其在洞有靜琬貞觀八年碑記嵌於門上大意謂未來

世佛法有唯政刻此藏之以為經本若世有經本撒開其  
用心亦可謂勤矣石洞之北有石池石井池廣七尺而深半  
之井深淺不可測則皆瑩然涵虛可鑑毛髮井之北十餘步  
有泉自竇中出涓涓不絕又有石為龍王像氏禱雨則祀之  
古木蒼藤膠錯其上然陰翳慘澹不可久居由泉竇之南渡  
板緣小徑盤屈數十折至山頂有五石臺一之上皆有白石  
小浮圖其南二者乃唐金仙公主所建刻字如新餘無題識  
不可考頂有巨石後廣而前銳平出於虛空者數尺相傳謂  
之螺經臺予至其上四視四山則向之特立若書空之北筆  
者皆隱然在履舄之下似可垂手撫摩稍臨石之銳處而俯

視之則陡絕萬仞無有底止而下至堂中左右有碑十餘通  
特現其高大者則唐元和四年幽州節度使劉濟與其僚來  
遊所建主僧指曰有雲居寺亦靜琬所創西偏下五里許可  
造乃至山麓渡小溪叢薄間寺規制已壯然比舊基崖小坪  
中有唐時所建石浮圖四勒碑其上其一開元十年助教高  
望書其一開元十五年太原王大悅書其建于景雲三年者  
則寧恩道所書而大極元年建者則王利貞之書也然獨不  
著撰文人豈即書者為之耶予次第讀之愛其字畫清奇皆  
有虞褚法老僧後曰後苑中石刻猶多遂歷榛翳間見殘碑  
斷碣或立或仆不知其幾而多



紅螺嶼在上方東三十里循九龍峪道入達嶺穿雲會門始及下嶺再挽鉄綆而上至紅螺洞曰中嶺再上半里為松棚庵再右百澄曰觀音洞是為上嶺

公安袁宏道紀云紅螺嶼從葫蘆棚而上磴始危天始夾從雲會門而進山始巧始纖水始恁卷石皆羅至殘嶺灣險始酷從灣至觀音洞反而旋竒始盡山皆純錫刻其中為二壁行百餘步則日東西度數十步則嶺背面度數步則石態貌變尖壁邪立而陰故不樹瘦而態故不膚亦不頑蛟龍之所洗滌霜雪之所磨鍊不工而利其趣乃極

六聘山在房山縣西三十里

黃山在房山縣西南三十里上有玉室洞天相傳漢張良微時嘗隱於此

般州山在房縣西南四十里上有般州山寨

穀積山在房山縣西北五十里峰巒突起如穀堆積然下有三石洞總名曰三學中可容數十人

馬鞍山在房山縣北六十里以形似名上有龐涓洞

大安山在房山縣北八十里上有大安館相傳五代時劉仁恭所建遺址尚存

南山在霸州城東七十里即舊信安軍處喬林脩竹周十數里

內設亭臺自昔稱勝

莫金山在霸州城南一十八里以有莫金二姓居之故名土城  
鑑隆相傳為漢丞相公孫弘受封之地今設有莫金口寨俗  
名口頭村

臺山在霸州東二十里九河水所經也臺基有三如島峙又五  
里曰雁頭山以其為鴻雁所棲集而名

獨虎山獨即濁涿殺相近即涿虎山涿州城西十五里有虎鳴  
澤服虔註漢武元封四年祠雍五時由回中北出朝那蕭關  
歷獨虎鳴澤

鐵柱山在涿州城西相傳禹離舟處蓋禹之治水始於冀也州

西北五十里有惡峪漢封建表靈它人為惡峪侯即此

釜山在涿州西南與易州界本始論曰軒轅與蚩尤戰于涿鹿之野戮其元兇四海攸同然後合符釜山而為天子史記索隱謂在東海大明之墟神其說也

孤山在通州城東四十里四面平曠一峰挺秀

靈山在三河縣北十五里三面出泉形勝記所謂北倚靈山背也又十五里為華山一名兔兒山即香河縣駱駝港之涼水遠駝山而出故名其地又有石城青梁諸山口聖水山在縣西北三十里有神水可以蠲疾又十五里為鳳凰山

福山在順義縣南五里又十里為虎山又孔山龍山俱在縣南

界孔山即水經註所云山有洞穴開明者也龍山以山上出泉亦曰龍泉山

呼奴山在順義縣東北二十里亦名孤奴山孤奴漢縣以山而名荀彭寵使孤奴令王梁南助光武起兵于是縣又鄧禹子訓與上谷太守任興屯兵防匈奴烏桓

牛欄山在順義縣北二十里宋王曾上契丹事曰順州至檀州漸入牛欄是其要地相傳山有中峰洞一內金牛時常出現故名

火山在順義縣西北三十五里山石戴土高百餘丈狀如臥弓南望京師城闕金碧炫目寺宇皆唐時建

黍谷山在懷柔縣東四十里跨密雲界劉更生云燕有谷也美  
而寒不生黍程邈竹次律以溫其氣故曰黍谷今行廟基猶  
存山南有齊長城東北有華林天柱二莊俱遼行宮故址  
又有蕭后看花臺在縣北二十里

紅螺山在懷柔縣北二十里高二百餘仞潭中有二螺山殷紅  
吐花

密雲山在密雲縣南十五里一名橫山昔燕趙伏兵於此以上  
藏雲霧名取焉

白檀山在密雲縣南二十五里山之陽有白檀樹魏曹操廬白  
檀坡烏桓于柳城又按密雲東界有白狼山魏武帝征烏

凡登白狼倖與焉凡逆縱兵擊之彌頓反名王已不降者二  
十餘萬口英雄記曰曹操于馬上擊馬數作十片則此度也  
香陞山在雲縣東北產藻木香世故名焉又西有石寨南寨內  
寬廣有水淵而不流又西北有伏凌山伏凌山當障寒深凝  
冰夏結

聖水山在雲縣南十里有龍女廟山泉環流俗名聖水又縣  
東六十里龍門山有聖泉庵其產洞泉突出如瀑布散如雷  
時吐雲氣洞有石燈臺石師子

治山在雲縣東北八里有峭塔治山院傍有石洞深不可測  
傳昔治仙居之時放仙燈遠近咸見又八十里為霧靈山每

祥光如霧以六月六日現土人如期候之上多奇花異草  
人多爲花臺一名孟廣嗣下有廣荆水出焉又二十里爲古  
北口兩崖聳立路不容軌絕壁危澗巨石磊砢誠險絕之區  
宋蘇轍古北口道中詩亂山環合疑無路小徑穿迴長傍溪  
學歸旁中尋蜀道興州東谷嵐州西可爲詩史

清都山在密雲縣東北五十里上舊有清都觀故名現鷲山在  
縣東北一里許有祥光如霧多奇花又名萬花臺

隄山在密雲縣南三十里下即密雲改縣

漁山在薊州城西北三里高有餘丈周五里即在此山之南故  
曰漁陽水遶山下因曰漁水



崆峒山在蘭州城東北五里一名崆峒舊傳黃帝嘗問道于崆峒山上有府君廟存焉唐陳子昂詩北登蘭兵望求石軒轅  
臺尚想廣成子遺跡白雲隈

盤山在蘭州城西北二十五里一名盤龍山高二千仞周百餘  
里勢磅礴而盤桓因名昔人有云南距滄溪西盡洶水東放  
碣石自遠望之層巒翠律排空昔人稱為雄勝

記云自三河行五十里至盤山之麓仰望其巔之紫迥異尋  
園樹石溢於目前既入山有長泉一道從峽鋒間飛噴而下  
穿啗石趾鳴漚不已歸上剏盤泉二字泐泉而上至中盤  
寺當即下盤耳東折里許有亭左右峰勢拱抱出一岡出落

然突吐是為亭：傍有松髯甲天矯如虬龍石谿銜硯端甚  
異山之石乃從北始石有一片數斷又數片相連若飛若走  
若蹲伏若卧若坐若立若負若博噬若撐若平若傾欹若磬  
然以出若畏而縮樹拳而曲徑詰而折皆以石故至其地差  
衍而松勢得以少舒者上盤寺也寔為山之中西有懸石亭  
亭北為平臺其當陰有級之上有石懸空勢壓亭表折而東  
北躡嶺以登將及半嶺左望前石若巨人仰天外其下峭削  
背與山合處有光斷而不斷懸空之妙畢呈於此上之始見  
長城長城者塞上山也城與山為高下起伏山青而城白如  
頭之有綠金玉之有相大者為虹霓小者為縞帶縹緲糾紛

不可窮詰又上之始見塔休圓質素卓立雲際峻整精潔如  
盤唐巖山有三盤而此坡其上也盤山者以山之盤旋曲折  
而言之也或曰山有三盤焉其說近是又謂山有盤石可搖  
動故名下山從他道之石闊數丈一人搖之輒動

吳郡王衡紀云出公梁十里許而山勢見蒼黛染頽山頭明  
乃至廣濟寺遠北而西抵環翠亭一面山松屏之并東西崖  
皆為三堂而第其伯仲高廣明後緣石澗下三里許稍上而  
群峰相拱揖又上則圓山而帶林莫可辨其隅面其一峰稍  
遠對松立首九華峰也峰勢稍欲摩天意氣漸上而紺宮翠  
籬又自下以秀色留之杖策一然不能即行良久穿紫代巷

西折而陟北岡長城蜿蜒界山半如線以白浩、際以深雲  
猛風意色慘然感數嶺險陡下俯矚巨谷窅然深黯百谷之  
縷紛出而繆聚於此又里許而為上方自盤山而至上方下  
下上上幾百千折行者相望于石根木杪有相去數程而望  
不盈咫尺計山形殆蛇索而辯龍山故名盤谷當不虛上  
方之前曰懸石亭自此上益陡絕更百尋而至舍利塔、標  
峰首五峰肩而隨焉蓋山絕頂也其四峰為無梁殿、後梢  
有餘地可縱立觀層沙疊壑回回索抱蓋盤山之外若有大  
盤山焉三河寶坻甘泉長城俱在望又數里雙峰塔額隱映  
樹樾如白鳥踏碧浪中自雙峰下走旱麓忽東轉望見沉碧

冉冉者曰百草窪其稍下而最深者為天城寺；當谷口若  
盤肩背皆對盤紺綠相為因依自寺上之三里許為李靖庵又  
二里許為舜鈕臺則東走為東甘澗又西折而為西甘澗又  
五六里許至仙師墓

公安袁宏道紀云盤山外骨而中膚外骨故峭石危立望之  
若劍戟巖虎之林中膚效果木繁而松之扶石撐出者嶮歎  
此山與石爭怒其幹壓霜雪不得伸故傍行則屢每十餘丈  
其面削不受足其背坦故遊者可迂而達其石皆銳下而豎  
上故多飛動其疊而上者漸高則漸出高者屢數十尋則其  
出必半仄焉若半圯之橋故登者慄其下皆奔泉大矯曲折

觸巨細石皆開紋鳴聲徹晝夜不休其山高古幽奇無所不極

李元陽記云磐山頂上無土磐石徑四尺許有大字刻云唐李從簡遊李靖舞劍臺此石即靖舞劍處也字刻約八寸許深

螺山在薊州城南五里魏氏土地記曰漁陽有螺山南有安樂縣故城東晉地道記曰晉封劉禪為公

堽花山在薊州城西南六十里魏志漁陽有堽花山則此

甘泉山在薊州城西北七十里山下有泉極甘美因名絕頂有石其狀類犬又名石焚山

燕山薊州城東南括地志云漁陽郡東南七十里北平城倚  
燕山為板築水經注曰燕山上懸嵒之側有石鼓去地百餘  
丈望者數百石因賁以石梁往來逕度鼓之東南有石人援  
棒狀同擊勢耆舊言燕山石鼓鳴則土有兵

明月山在遵化縣西南十三里山高百餘仞上有石穴南北相  
通穴口望之如明月然又十二里為夾山中有寺曰夾山寺  
山口有石似牛舄狀杵蹟漏滿謂之試杵石

五峰山在遵化縣東北二十五里東曰快目南曰瑞雲西曰紅  
翠北曰虎嵒中曰紫蓋皆崛起也縣南四十里有磨臺山以  
頂圓似之中有遵化池一日袍色負鏡出池中因建刹名鏡

靈山在遵化縣南六十里高九百餘仞上有靈：寺因之

清風山遵化縣南二十里高二百餘仞

關山遵化縣西北三十里山近邊防

大團山亭在遵化縣東北一百一十里山之北又有小團亭山  
崖兒口山豐潤縣東北八十里衆峰連亘東漸為崖兒口水自

### 崖出

櫻帶山豐潤縣東八十里石崖繞山畔如帶

偏崖山豐潤縣大嶺山西南東峻西低高數百仞

刺月山豐潤縣東八十里兩峰峙起狀如半月

馬頭山豐潤縣東北四十五里數峰馳驟一峰昂若馬首



党峪山豐潤縣

陳宮山豐潤縣北七十里東西崇峻數十里有峰蒼翠名華山  
鴉鵲山豐潤縣西北二十里峯崖秀拔高數百仞有孟家洞  
靈應山豐潤縣西北四十里懸崖壁立泉瀆流有改書室靈應  
洞

車勒山豐潤縣南二十里臥圖而高若外轂有數無梁閣

漁子山平谷縣東北十里上有天塚舊傳黃帝陵也其上有軒  
轅臺下有軒轅廟又十五里為毗峰山

靈泉山柏山峨眉山俱平谷縣東北界靈泉以洞內出泉柏山  
以山多柏樹峨眉者舒員秀拔狀如蜀之峨眉也

徐無山平谷縣東南十里徐水出焉後漢田疇避難於此碣山  
平谷縣東四十里林谷幽邃上有碣石寺又二十里為城山  
四圍聳峙中廣如城石室如屋僅容棲卧舊傳唐孫真人修煉於此

無終山一名翁同山又名陰山在王田縣西北四里

搜神記載無終山有陽翁曰雍伯雒陽人父終葬于無終山  
山下有水雍伯汲水作羹漿行者皆飲三年有一人就飲道  
以石子一升使于高平好地得石處種之徐氏昔為石北  
平晉姓有女人多求之不許雍伯試求徐氏笑其狂乃云以  
白璧一隻當可為婚雍伯至種石處得五隻白璧徐氏大驚

即以女妻之

厭山玉田縣城北十五里與傍山相連南即種玉山也距縣西北二十五里懸崖壁立其傍為石鼓唐太宗征高麗聚兵于此擊石如鼓因名

小泉山玉田縣東北二十五里上有泉出石罅間

京師詣山自太行西南而來以為神京屏障復折而東突起盤山蜿蜒不斷結為碣石以為神京水口舊言碣石論海歸苑洛曰東海至永平府南發出一洋東西百餘里河從此洋之西自北注之此洋正逆河也碣石在右轉屈之間碣石在海洋北洋闊五百餘里自洋南還看如在海中實未渝入于

海也關人郭造卿曰竭石之頂有仙人臺絕壁萬仞仰凌雲  
漢嶠嶺紫石莫可名狀漢武帝元封元年登此以望海魏文  
成世改為遊樂山秦始皇李斯篆文及唐太宗貞觀征遼旋  
鉅刻石皆無留者石壁鏤文五十四為石花所封僅存明昌  
改元數字

分水嶺宛平縣西四十餘里山勢廣潤諸水分而為二一入蘆  
溝一入房山

十八盤嶺宛平縣西北八十里山索曲十八折

青山嶺宛平縣西一百餘里山谷幽邃下臨清泉  
摘星嶺宛平縣西二百餘里高聳雲霄僅通一徑

九莊嶺在雲縣北三十里水經云鮑丘水逕九莊嶺

卧龍岡宛平縣西北四十五里石堅白蜿蜒如卧龍正統間車

駕嘗幸此

遼石岡在良鄉縣治東金史作料石岡上有佛塔相傳金時建  
呂公巖在玉泉山半巖廣僅丈許其深倍之相傳呂仙往來處  
石窟崖在府西北一百一十里上有石窟

菩薩崖在府西北一百二十里山畔有三石佛像

北水洞在大房山東北上有懸崖千尺餘下有石窟闊二丈許

泉水從中湧出深不可測時有白龍出見輒化為魚又嘗聞  
音樂之聲唐胡唐記嘗有人篝火浮舟探之行五六日莫究

其源但見山嵐晝飛頓鱗時見開元間每旱必遣使致金龍  
玉壁金太和中忽有苑花流出其辭如當五錢許

石經洞在石經山東隋大業間法師靜琬者處此募緣鑿石為  
板刻經一藏以傳于後唐貞觀初僅成大涅槃一部而法師  
卒後子孫相繼歷遜金始完貯于洞者七穴者二洞以石門  
閉之穴以浮屠鎮之累代皆有碑碣

桃花峪在府西四十里介乎翠峯遶風二嶺間以多花卉因名  
掛甲峪在密雲縣東北舊隸宋楊延朗北征嘗掛甲於此  
白雲峪在房縣西南五十里高峻絕頂常有雲氣旋繞

附退谷

京西之山為太行第八陁自西南蜿蜒而來近京列為香山諸  
峯乃層：東北轉至水涼頭一澗最深退谷在焉後有高嶺  
障之而外佛寺及黑門諸刹環蔽其前岡阜迴合竹樹深蔚  
幽人之宮也

水涼頭兩山相夾小徑如線亂水涼：深入數里有石洞三傍  
鑿龍頭水噴其口又前數十武土臺突兀石狀甚鉅踰踞臺  
下相傳為金章宗清水院章宗有八院此其一也水分二支  
一至退谷之傍伏流地中至玉泉山復出昔有人注油水中  
玉泉水面皆油也一支至退谷亭前引灌谷前花竹  
谷口甚狹喬木蔭之有碣曰退谷谷中小亭翼然曰退翁亭：

前水可流觴東上則石門巍然曰烟霞窟入則平臺面望萬  
木森：小房數楹其西三楹則為退翁書屋一榻一炉一燗  
樽書數十卷蕭然行脚也

谷之後高嶺我攝衣而上為古堦：垣之外一臺可憩茂松蔽  
之不見其下

谷之東則隆教寺：門舊在退谷上移置石門之東供大士像  
歲久悲浸寺僧秋月募善知識繕飾之境地深邈可供趺跏  
谷之前為時植花竹之園中有僧家別院花事最盛石樓孤峙  
面：皆花北望退谷掩映翠微中如懸董巨妙畫在閣之望  
谷口外沿泉東行皆石壁也大石一方上建觀音閣再東則外



佛寺傍扇八角婆羅古樹大可數圍柯幹参天瞿曇酣卧殿  
上亂後寺廢香燈久斷矣寺門白塔高矗大松兩行擁之香  
翠撲入衣裾

谷西南里許為廣應寺、有白松如雪門外深澗石橋橫之橋  
傍喬松數十株箕踞其下看碧雲香山諸寺丹雘碧瓦如廣  
樓如絳闕又倘恍如夢際

谷西越澗而過則長嶺橫拖嶺半古松一株夭矯磅礴拾級而  
登此則佳主人也

谷後踰嶺數層則為冷泉漚瀑高懸自山巔而落傍有金線庵  
每春時櫻桃花開徧山谷

廣應寺之西為木蘭陀由寺前鳥徑西指過小橋三四徑漸峻  
盤旋入雲上建玉皇廟棟宇潔飾殿南別院有軒有室石樓  
搖搖踞山之顛俯視弘光寺松盤香山來青軒皆在其下殿  
北深澗懸崖水出洞中傍為魚池為藥圃為篁叢殿側有蒲  
井水可手掬西山山頂之井廣泉寺與此為二甘冽似中冷  
谷中瀾茗取給二井